

Schola Urbanitatis :
SIVE DE
ELEGANTIA
MORUM,
ET
Civili Conversatione
INTER
HOMINES.

*Inprimis venerare Deum, Summa
enim delicti est nolle agnoscere
quem ignorare non possis.*

LONDINI,
Typis E. G. impensis G. Lee in
vico vulgò vocat. *Fleet-street.*
MDCCLII.

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

Exoptatissimo Juveni,
Amicorum principi,
Domino

Hieronimo Luckyn S.



T tibi, suavissime, Libellum hunc qualem-
cunque nuncuparem
duplex admonuit ra-
tio ; quarum prior ut à voto
suscepto me exolvam ; quippe
sanctissimè devovi, quod si un-
quam contingeret ut opusculum
hoc à me in lucem emitteretur,
tuis tantum Auspiciis commu-
nitum

nitum prodiret : Nihil eod-
dem in eo continetur quod in-
vidiæ Fluctus commoveat, au-
spiciora siquidem huic præ-
sagit animus cum ex opellæ
simplicitate, tum innocentia;
atq; adeo nec Mæcenatis alicu-
jus nomen (ut *ARSE VER-*
SE) in Antefixis pinximus,
cujus patrocinii dignitas, ur-
genti livoris procellæ opponi
potuit. Quapropter tu tan-
tum Limentinus esto, & Tute-
lare Numen tacitâ cogitatione
tibi jamdudum consecrati. Po-
strema verò ad amoliendum
detestabile ~~vis~~ *vis* ~~opprobrium~~ *opprobri-*
um, ac proinde ut aliquid e-
luceat quod tibi esset in studii
nostri

noſtri erga te Indiciu: Exile
ſateor munus & tam candidâ
Indole prorsus Indignum. Sin
aliud quærerem, ſumptuoſum
ſatis aſſequi penitus deſpera-
rem, neq; prorsus contemnen-
dum; quippe obſervantia quâ
Authori (ut ita dicam) teneris
tenello huic gratiam postula-
bit; ſub cujus Laribus obſtri-
cta eſt amicitia noſtra eo nexu
Gordiano cui mors ſola futura
ſit Alexander. Cumulatiffimè
voti compos evadam, ſi quid
dehinc exoriatur ſi non augen-
dam, ſaltem ad confirmandam
antiquam noſtram conſuetudi-
nem, quod haud difficilè futu-
rum confido, quum ſalvo in-
terim

terim pudore profiteri sum au-
sus, neminem, me uno, tam
sinceris pectoris Candidatiorem
spirare. *Vale.*

Tibi devinctissimus

H. B.

*Ex Aedibus Hospitii
Lincolniensis Londin.
1651.*

Præmissa

Præmissa Lectori.



Libellum hunc quem tibi, amice Lector, porrigimus, à Jesuita quodam è Gallicâ Linguâ traductum ferunt, et viginti sex documenta quæ in fine cujuslibet capituli ordinem claudunt, & asteriscis præfixis distinguuntur. Generosus à Rep: literariâ, optimè meritis, atq; adeo à me haud sine summi honoris

Præmissa Lectori.

noris præfatione nominandus Latina fecit, idq; in gratiam Juven-
tutis ingennæ quotidie sub ejus la-
ribus versatæ; Idcirco nemini
confido erit injuriæ si quod ante
hac sub privatis Penatibus lati-
taverit (publicæ utilitatis ergo)
typis mandavimus. Habet enim
libellus hic non modo unde Juve-
nes (in quorum usum imprimis de-
stinatur) habet quinetiam unde
provehentioris ætatis homines fru-
ctum illumq; haud modicum re-
portare poterint; vaticinatur autem
animus quanto cum Cachinno,
si non prorsus fastidio, delirantes
istius silicerni opusculum hoc sint
excepturi, immo Ronchos blate-
rent & suspendant Naso, et pro-
fecto

Præmissa Lectori.

scito quod ad me spectat hæc om-
nia quàm teruncii minoris facio.
Si etati suæ rem alienam esse sen-
iunt ad tàm puerile speculum
seipsos exigere, moribus utantur
suis: pudet autem fari, quod in-
dies animadverti, nimirum quosdam
osque literatissimos Ingeniis esse
ideo Rusticis ac vere Batavis
ut in Adagium iuit Mere Do-
ctus.

In locis nonnullis Errata tùm
Operarum incuriâ, tùm Exempla-
ris defectu admissa non diffiteor,
ursim utpote ab Archetypo tran-
scripsi, & quod jam din anim-
adverti per festinationem multi-
licantur errores, ad hæc incom-
modum

Præmissa Lectori.

modum amolientium omnem curam
studiumq; convertimus, ac cogi-
tabundè quâ ratione id fieri pos-
sit, subiit animum Generosus qui-
dam penes quem Ectypum Emen-
datissimum esse cognovi, huic itaq;
innotui quomodo se res habuit, quin
☉ Subjeci nisi maturè obstru-
cantem admooveret manum pericli-
tari partium, sane ut quod res est
dicam, citius quod Aiunt Herculi
clavem extorqueas, quàm illi ex-
emplar; periisset plane factus nisi
quod adeo instantè urgebat Typo-
graphus ut pene nolentem Exti-
mulavit, illius itaq; volo, ho-
nesto satis, ut satisfacerem; in-
mendis quantum fieri potuit im-
munem reddidi, ac de cæteris quæ
supersunt,

Præmissa Lectori.

*supersunt, Lectorem oramus, ut
tanquam vitium Libris universis
primitus exeuntibus genuinum cor-
rigat. Vale.*

H. B.

Schola

Trinitatis Festum

Superius: Festum Trinitatis
inferius: Festum Trinitatis
- Vale -

H. B.




Schola Urbanitatis :

*Sive de Elegantiâ Morum &
Civili Conversatione inter
Homines.*

CAPUT I.

*Civilis Conversationis generalia ac mi-
scellanea Documenta.*

1.  *M*nis in aliorum conspectu
suscepta actio, specimen A-
nimi honorificè eos colen-
tis præ se ferat.

2. Foetidarum rerum sen-
sum aut memoriũ com-
movere indecorum est.

3. Coram aliis serva id attentè quoad
potes, ne ad quam Corporis partem manum
porrigas, quæ exposita oculis esse non soleat;
solent autem & vultus & manus. Id consue-
tudinē

rudine ipsa ut teneas, assuesce huic decoro, etiam cum solus es.

4. Quæ terrorem incutiant, ea socio ne commonstres.

5. Tecum tute ipse ne cantites, nisi tam solus sis, nemo ut abs te alius audiat, nec pedum autem, nec digitorum pulsu tympano-tribam agito.

6. Nec dentes defrica, nec iis stride, nec quicquam aliud ita collide, ut eorum stridore sensum molestè aliis laceffas.

7. Illiberale est diductis Brachiis corpus pandere, aut horsum illorsum contorquere.

8. Cùm tussis, cùm sternutas, si regere rem potes, ne magno & vibrante sono inconditè instrepe. Suspiria ne ducas, quæ alii sentiant, sine gravi Causa.

9. Ne ulula oscitando : si potes oscitatione penitus abstine, sed tum etiam diligentius cùm aut loqueris, aut loquentibus præsens es. Habet enim id tædii significationem, aut parum comis observantiæ in eos, quibuscum agiras. Si, quîn oscites, continere te non potes, saltem ne loquere interim, nec parulo ore hisce, sed pressa illud modestè, seu manu objecta, seu sudariolo, vultu ab circumstantium oculis modicè averso.

10. Cum nares Emungis, ne Buccinæ in modum naso persona, nec quod elicaris in sudario respecta, nevé quod pueri sordidè faciunt,

faciant, mucum digitis tibi aut manicâ dexterge; sed in id linteo emfictorio semper utere.

11. Obdormiscere aliis sermocinantibus; sedere dum stant, inambulare dum immoti manent; loqui dum silendi tempus est, vel audiendi, res sunt inurbanæ omnes, atque indecoræ; ei tamen qui cæteris antestat, sunt tempora locaq; quibus in cætu secum inambulare liceat, ut magistro in Scholâ.

12. Non decet in Cubiculo, Cubile esse incompositum; non in aliorum oculis aut vestire se aut despoliare; non Cubiculo exire semivestitum, aut pileo Nocturno redimitum: ne sit Cubiculum aut Plateus inconcinuus, præsertim in aliorum conspectu. Ac tam etsi tibi ad manum domi sit, qui Lectum sternat, tamen cum ex eo defilis, ne inconcinne disjectum, & detestum relinquo.

13. Dum studes, si alii tecum unâ student, inurbanum est cuiquam obstrepere, aut tam clarâ voce legere, ut interpelles; est & inscîtum, ac illiberale, magistro docente, studere, aut alia intempestivè legere, sociosvè, quo minus attentè audiant, impedire.

14. In Scholâ, aut Concione, dum audis, ne exultantius gestias, ut Saperdâ præ cæteris atq; intelligens, non sine aliorum despectu, videaris.

15. Ad Ludum atq; ad Focum, recens hospitio exceptis locum non dare indecorum est.

16. Cave ne immodicè ludo incalescas, ne ludum Contentionibus, aut clamoribus misceas; ne dum calore ardes, interbibas, seu Calor è ludo existat, seu ex itineribus labores seu ex operâ, causâve aliâ; nam omnino æstuantem bibere, insalubre, ac periculosum est.

17. Despuere in focum, manus calefaciendi causâ, proxime ad cineres aut arduentes prunas admove, flammis ingerere; ad Ignem, quasi humi sedas sidere, atq; incurvari, invenustum est. Si quid ad Ignem coquitur, pedem supra Ignem ne oppendito. Honesto in cœtu tergum tibi ne calefacito, neu proprius quam cæteri astent, accedito: Nam Hoc utrumq; excellentiæ est & Authoritatis; ejus solus est qui Authoritate polleat, aut cui foci cura commissâ sit, focum furcâ Igniariâ move, accendere, ligna indere aut demere.

18. Sedendi lex esto, ut pactis in terram pedibus, iisq; & cruribus æquatis sedas, non aut crus cruri invenustè superponas, aut divaricatis sedas pedibus.

19. Ungues nec rescandi palam, nec dentibus sunt demordendi.

20. Digni non salivandi, non articulati dispendendi, distorquendi, digitis mucus naribus non eliciendus, nec nasus converrendus, aliis contuentibus.

21. Caput non quassabis tibus non agitabis, oculos tœdè non dirabiabis; supercilia inæqualitèr

æqualitèr non attolles, os non distorquebis. Quem alloqueris ejus faciem pytismate atq; oris salivâ ne conspuas, id ne accidat, justo ex intervallo colloqueris.

22. Præsente altero ne Pulices confice, nec sordida id genus Animalcula. Quod si sordidum aliquid humi occursans tibi oculos laceffit, quale purulentum, sputum, talevè aliud, id si commodè potes, pedum pressu confunde atq; obtere. Sin ejus, quicum agis, vestibus adhæret, non alteri commonstres, sed quoad potes, sic tolle concinnè atq; industriè, ut ne sentiat quidem. Qui alius autem simile aliquid tibi decusserit, dempservitve, comem & gratum animum ei ostende.

23. Nec porrò procul, nec post humeros est excreandum, sed longiusculè, & in Latus, non ulli, qui unâ adsit ex adverso: at si lentior, crassiorq; est pituita, pede illicò, si potes, est opprimenda. De fenestrâ in subjectam viam ne despuas, ne in focum, ne in Malluvium, neq; alium in locum, unde lentor ille pede aboleri non possit.

24. In congressu cum aliis, colloquia proferim, tergum eis obvertere inconditum est. Est & importunum mensam incursare, aut pulpitem succutere, ubi aut legit quis, aut scribit, est ad alterum, tanquam adminiculum, adniti; est cui loquaris, cui loqui velis vestem ducere; est cubito pulsare, indecorum.

25. Noli ut bellus videaris, ineptè quovis momento Barbam componere, tibialia aptare tibi, adducere aut reducere, ut belle quaderent. Ungues ne sordibus oppleti, neu prælongi sunt. Dentium ac manuum mundiciam curato, sed decenti cum incuria, absq; curiosâ nimis & molesta Elegantia.

26. Noli Buccas inflare, linguam exertare, barbam tibi mulcere, manus confricare, labia distendere aut mordere, pressa arctius aut hiulca habere.

27. Ne assenteris, nam qui alterum Phalaris dictis ducere instituit, is ostendit se dispicatu cum habere, certè minus cordatum credere, quem idoneum putat in quo sic illudat. Quem joci offendunt, ab ejus auribus eos facesse.

28. Contrà decorum est, in familiari congressu, libros, literas & id generis aliud legere, nisi in re necessaria, ac quasi aliud Agens. At tum etiam veniam præfari consentaneum est, nisi forsitan cæteris qui tecum sunt, autoritate sis superior. Multo ab indecoro est alienius, aliena scripta, Libros aut res generis ejusdem contrectare, applicare se ad ea proprius, aut oculos in ea figere, non annuente eo ad quem res pertinet, nec laudaris ea, vel carperes, antequam sententiam de iis rogeris. Item nec oportet, dum qui te prope est, literas, talevè aliquid privatim legit, corporis appulsu, aut oculorum

oculorum conjectu, ejus lectioni imminere.

29. Vultus ne sit imaginofus, nec temeritatis Index, ne sit severus nimis aut torvus, non admiratione fufpenfus, aut attonitus, non mærore obductus, varius & inconfans, nullam deniq; perturbati animi fignificatio- nem præ fe ferat. Tranquillus fit contra, ac ferenus, nec feriis in rebus nimia hilaritate folutus, nec in familiari & communi vitæ confuetudine, nimia fubductus gravitate.

30. Sint Corporis geflus, rei de qua inci- derit fermo, conformes; in arte enim dicendi femp pro folœcifmo habetur terram indi- gitare, cum de Coelo loqueris.

31. Nemini impropere defectus Naturæ, qui nullâ arte corrigi poffunt, nec fit tibi vo- luptate, tales infirmitates patientis in mentem ingerere, cum fapiffimè Invidiam conflât, odiumq; parit ultionis percupidum.

32. Cum alterius infortunium ad aures tuas pervenerit, ne afficiaris gaudio, quamvis in te malè affecto contigerit; hoc enim effer indicium animi malevoli; indeq; facile con- vincaris, quod animum fuiſſe paratum, id ipſum perpetrare, modo opportuna poteſtas voluntati tuæ accidiffet.

43. Cum delinquentes pœnas ſubire vide- ris, Judicia vigilantium in plectendis ſonribus animo tuo approbare poſſis; hoc enim publicæ confert tranquillitati, tu tamen doceas vices

delinquentis, ejusq; culpa fit tibi cautioni.

34. Ne nimium rideas, nec nimis effusè, dum in publico quicquam spectaris, ne sic faciendo tute teipsum præbeas objectum omnium risu accipiendum.

CAPUT II.

Congressionum prima officia Ceremoniaq;.

1. **A**bstinendum quamvis sit immodicæ urbanitatis intemperanti studio, necessariæ tamen in communi vita, atq; opportuna morum Elegantia diligentèr ideo sunt attribuendæ, quod prætermitti sine eorum injuriâ non possunt, quibuscum vivitur.

2. Spectatos, honestosq; viros, ut Deo sacratos, ut in civili dignitate locatos, aut istorum similes, capite aperto venerare, Galeri aut pilei, quem honoris causâ tibi exemeris, patulâ interiorem parte ad te conversâ; hoc quoq; fiat decenti corporis flexu, prout cujusq; dignitas, & ingenuus bene educatorum mos fieri postulat. Ut autem insulsa res est caput, salutandi causâ, non aperire quibus par est, aut expectare dum æqualis tuus te hoc officio antevertat: sic cum non opus est, id usurpare, speciem

fugereq; omnem Arrogantiæ culpam, ac speciem.

17. Viris gravibus colloquens, corpus tibi ne adminiculato, oculos in eorum ora ne defigito, plus justo proprius ne accedito, passus circiter unus interjectus esto.

18. Ad ægrotum ubi adieris, extemplo, medicinæ ignarus, Medicum ne agito.

19. Viros dignitate constitutos, & existimatione florentes, cum literas ad eos dabis, aut alloqueris, sic compellabis, honoris causâ, ut mos patrius atq; ipsorum dignitas postulat. Scriptas jam literas relege, ut erratis, si quæ fuerint, perpurges; Pulverem, ubi opus erit, insperge, nec, nisi literis probè desiccatis, Chartam complices, ut ne lituris deformentur.

20. Noli cum majoribus in argumento contendere, aut illorum sententiæ tuam pertinacius opponere, sed modestè illorum judicio, utpote maturiori, tua submittenda opinio. Præsertim cum proclivius in errorem labi solent juvenes, quàm ætate provectiores.

21. Ne te præbeas institutor ejus, qui tibi par est, in illâ quam profitetur artes hoc enim arrogantis est, atq; temeritatis notum facile innueret.

22. Ceremoniæ & inter conversandum compellationes adhibendæ, respondeant dignitati

dignitati ejus cum quo conversaris ; perquam enim incongruum , & inurbanum est, magnificis & Bullatis titulis plebelum compellare.

23. Ne te hilarem exhibeas coram ægrotis, aut gravi dolore affectis; dissimilis enim illa & contraria affectio, eorum facile augebit miseriarum molem. Tu verò è contrâ sympathiâ quâdam dolentis infirmitates tolerare te ostendes; sic enim compatiendo, levamen non mediocre eorum molestiis pergratissimè adferes.

24. Erga majores, præsertim magistratus illustriori loco constitutos, humilem te præbe & morigerum, cum æqualibus verbò ità conversandum, ut nullam arrogantis speciem præ te feras. Sitq; tibi hoc ratum quod ex affabili erga inferiores & tractabili conversatione, *Perhumani* & *Civilis* æstimationem, tibi acquires.

CAPUT III.

*Compellandi, monendi, aut salibus utendi
forma ac Ratio.*

1. **Q**Uæ ad viros illustres adhibendæ sunt honorificæ compellationes, ut temporis morisq; patrii ratio habeatur, necessario postulant; de quibus, viri communis vitæ gnari & experti consulendi sunt. Insuper quæ in sermone ritæ adhiberi cæptæ erunt, dum cum iisdem sermo habebitur, variè aliis compellantibus ne commutentur.

2. Vulgatoris fortunæ homines cum alloquimur, compellamus eos familiaritèr, dicendo, *Vos, Vobis, Non, contemptim. Tu Tibi*, nisi puerulus forte sit, quocum blandiusculè loquimur, multò nobis ætate inferior; feratq; hanc liberio rem compellandi formam, politiorum loquendi usus. Patribus tamen in liberos certam ad ætatem (ac passim in Galliâ usq; dum patriâ potestate exierit) conceditur hæc authoritas, ut *Tu, Tibi, Te*, usurpare sine inurbanitatis notâ liberè audeant possintq;. Par scholæ Magistris in suos pusiones, aliisq; qui simili jure præsent aliis concessa videtur Authoritas. Ad intimos

& familiares quod attinet, mos patrius liberiores illis non nunquam Tutissandi inter se potestatem facit, alibi verò severius prohibet.

3. Qui in ullo opère, quod potest, quodque debet facit, quamvis res votis tuis non respondeat, tamen cum ne carpa, laudari enim, quam vituperari dignior est.

4. Moniturus reprehensurusve quempiam, circumspice diligentèr, clàm, Palàm, isto, non commodiore alio tempore, immò & quo genere verborum fieri id par sit, maxime ubi quis alius monitus, nec præteritis nec futuris erratis remedii spem adhibet. Ante cætera, siue mones, siue reprehendis, absit iracundia, vocisq: contentio impotens; contraq: omnis moderatio animi adsit, & placabilitas.

5. Cum quis te admonuerit, quo idcunq; modo, loco, tempore faciet, amicè & cum gratia accipe. Post si culpâ vacabis, licebit sane ità facias, sed cum hac cautione, ut in tempore loco, modoq; convenienti, magis ut admonenti de eâ re molestiam eximas: quàm ut te excusatione defendas, præsertim si ejus es curâ & potestate.

6. Nulli vitia exprobres, ne defectus naturæ quidem, nec sit tibi voluptati verbis, factisve quemquam pudore suffundere.

7. Nec gravi, nec probrosâ in Re dictis ludito, si cavillari placet, ne morde, ne lacera ut canis. Sales sint ex re nati, sciti nulli

nulli odiosi aut acerbi. Facetia, ne, quod scurræ amant, indignis ex rebus, ex inverecundis actionibus risum quærant, si quid lepidè argutum, si festivum dixeris, risum aliis permittere, tu risum contine.

8. Summo opere cavendum ut conversatio tua ea in re virtuti quadret, quâ alium continere studes; ne ex factis tuis consilium sanum redditur inutile. Illa enim exhortatio prorata firmâq; habenda, quam seria ejusdem virtutis prosecutio re ipsâ probat, & facilis ducimur exemplis quam præceptis.

9. In scriptis vel compellationibus neminem fraudare debes justis honoris titulis, ne illorum meritis, censoriè nimis, detrachere videaris.

10. Non temere fides est adhibenda rumoribus male vulgatis, de amico aliove quopiam, sed censuram tuam regat charitas, donec liquidò constiterit quo modo res se habet. Hac enim ratione & illorum famæ consules, & temetipsum à temeritatis nota liberabis.

11. In neminem verba jactanda probrosa nec quemquam convitiis proscindes, aut diris devoveas, impropria enim & execrationes, magis Malevolum tuum affectum palam testabuntur, quam quicquam afficiet, ei quem opprobriis oneras.

CAPUT IV.

Vestitus cultusq; corporis.

1. **N**E sis curiosè nimis comptus, collare, cæsitium, comam, Barbam impensius ne curas. Odoribus perfusus ne prodeas, Galerum neq; adductum altius, neq; in oculos reductum depressius ne Thraſonico fastu compositum geras.

2. Præſentibus aliis ne ligulis te astringe, ne relaxa, neu ad requilita Naturæ te compara, Naturæ ut servieris, si cibus dehinc contingendus est, manus elava, at si fieri potest, aliis haud conſpicientibus.

3. Sanitatis, unà & munditiæ interest, mane lecto solutum, faciem, manusq; abluere, tum opportuno in tempore caput peſtere, dum ne curiosius & ad delicias id fiat.

4. Non ſint ſordidæ, laceræ, pulverulentæ, aut depilatæ vestes. Semel ſepe in dies ſingulos, ſcopulis depurgantur. Quin ubi ſedeas, ubi in genua procumbas, quo corpus applices, videro, ne aut pulvere, aut quâ aliâ immunditiâ locus ſordeat. Pallium ſub alas Baſilicam ad pompam ne ſubtringito. Seu Togam autem, ſeu Pallium tibi eximes, complicato

to decentè, & compositè, atq; ubi deponas, etiam advertito.

5. Genus vestium id ama, quod tui compares honesti, modestiq; usurpant habitâ prudenter locorum temporumq; ratione. Id hic etiam age atq; opta, inter æquales tibi ut vestium cultus simplicior, ac modestior sit potius, quam aut opulentior magis aut apparatior.

6. In vestitu semper modestiæ specimen, naturæ potius incommodis succurrere volens, quam vestiarii artificio curiosè nimis aliorum procurare admirationem. Vestimenta ad externum cultum & ornatum corporis sufficere possint; sed viri graves aliundè quam ab exteriori cultu æstimationis meritum petere solent. Imò hoc certo apud me statuo, si laudabilis solius Elegantiz & decoris tibi impensior sit cura, summoperè conaberis levis & Phanatici notam procul à te amovere.

7. Vestium concinnitas & Elegancia ne in admirationem tui te ducat, eâ enim ratione palam testaberis, te summam dignitatis gradum, in vestiarii operâ & peritiâ ponere.

CAPUT V.

De Incessu, sive unius secum, sive unà plurium.

1. **F**Ac, cum incedis, gressu eas nec concito effusè, nec languidè inertì, non ore diducto, hiantiq; non promicanti, non datatim nutanti corpore; non pendulis manibus, non jactatis, succussisq; Brachiis, non pedum plantis valide terram compulsantibus, non variè immixtis, non valdè projectis pedibus, non terram converrentibus. Sunt & hujus decori partes, tibialia passim in incessu non adducere, aut femoralia subnectere, non summa niti pedum articulis, non subsultim, totumve, ut in choreâ, non corpore incurvo nec prono capite, sed erecto corpore, & ad majestatem quandam incuriosam composito, incedere oportet; non saltuatim, non calcaneis sese incurvantibus ingredi.

2. Ne Pavonis instar magnificè te circumspice, pulchrè an comptus sis, calceatus commodè, tibialia, aliæve vestes bene an corpori aptentur. Pedem cubiculo ne effer, scriptorio calamo, aut ori indito, pileo, aut auriculæ imposito, omitte & Flores, talesve amanita-

tum

tum delicias foemineas, auribus, Galero aut quo alio modo præfixas circumferre. Sudarium ne manu gestato, nec pendulum ex ore, è zonâ, sub axillam congestum; loco illud habeto, unde nec aspectabile sit. In humeros immissum, sub toga abditum aut quo alio loco habere, unde oculis faciliè exponi possit, illiberale ac omnino inurbanum æstimatur, sed alicubi reconditum erit, unde, quando exegit usus, præstò expromi possit, cum verò mucus è naribus eliciendus est, si vel prætereuntium, vel sedentium frequentiam constipatus es, Galero modestè interposito, (ut apud plurimos in usu est) sudarioloq; concinnè explicato, nasum munge. Idem nisi mundum, & propè adhuc intactum abs te, alteri ne offeras.

3. Seu solus seu comitantibus alijs, per vias elutans ne incedas, præcipue in conspectu occurrentium & in Civitatis luce publica. Ne domi quidem alieno tempore & intempestivè comedendum, præsertim coram alienis & haud familiaritèr notis hominibus.

4. Solus tecum ne ride, ne colloquere, non sunt enim hæc sapientis, nec solus per viam cantu te exilara, unde alii rem percipiant. Non te offeras mirantis specie, tanquam magno aliquid animo volutes. In via ligna, lapides, res, reculasve id genus alias, ut missilia ne jactes. De Industria saxa pedibus nè collido

deto, ne Emoveo; stultorum enim negotia sunt ista. Non te inferas capite arduo, non depresso abjectius, non contorto ineptè, aut in dexteram, aut in levam, non oculis huc illuc vertiginosè motantibus.

5. Imprimis si honori tuo consultum vis, cum bonis ambula. Si id non potes, quia aut non nosti, aut qua alia de causa, solum te esse atq; ire, quam cum malis, multò est optatius.

6. Si cum aequali tuo gradieris, in eum principatum tibi ne arroges; ne ambitiosæ antecessoris delicias secteris, neu si locus tibi pro dignitate delatus non erit, indolescas. Sin dignior sit comes, dextrum tibi eum, certè honoratissimo loco statue, ac dum unà itis, cave gradu eum prævertas honoratiori.

7. Domi si solo comite uno spatiaberis, atq; is erit cui honorem debeas, eum primo ambulationis ingressu ad dexteram colloca, nisi cum substiterit, ne interfiste, prior ambulationem ne converte, ipsa in conversatione vultum, non humeros ad eum adverte. Si spectabilis vir fuerit & illustri dignitate constitutus, gradum eo penitus ne æquato; tantillum reductus eum prosequere, sic tamen dimensè, ac modicè, tecum ut commodè sermonem conferat. Si compar tibi sit, ambulationis spatia pari eum gressu dimetiere; prior ne semper te converte, nec in medio incessu crebrò interjunge, nisi cum magna necessitas

necessitas rem excusabit. Res enim ista & principatum præ se fert, & molestiam creat. Qui inter stipantes medius ambulat, si fortunâ & dignitate pares utrinq; sunt, aut penè pares, alternis ambulationē convertat hinc ad dextram, inde ad sinistram; si dispares sunt, digniorem versus sese plurimum convertat. Deniq; qui cum cingunt, semper ad eum & cum eo, non ante, aut post, se convertent, quippe ipse Ambulationis metator est.

8. In deambulationibus solitariis, ne gestu affectus animi indica, nec ea ratione, pectus tibi reddes fenestratum, aut Chrysellinum, quo interiores mentis recessus omnibus pateant.

9. Procul absit à conversatione tuâ omnis malevolentia & invidia; id enim placidi & humani ingenii est indicium. Atq; in omni Animi motu & affectuum insultu, imperio rationis te submittas, eâ ratione, aut tibi integrum manebit existimationis decus, aut saltem ab ignominie labe immunis eris, quâ vulgus hominum turpiter maculari solet.

10. Goram iis, qui tibi dignitatis gradu sunt inferiores, cave quicquam indecens proferas, aut contra bonos mores offendas. Aliter tuo exemplo aliis liberius peccandi Author eris, tuâq; Authoritate vitium firmitus radices aget.

11. In amici arcana noli immodestius scrutari,

tari, ne fortè ea detegendo, amicitia vinculum solves.

CAPUT VI.

De congressu & colloquio.

1. **I**N hominum doctorum, graviumq; congressu, levicula in sermonem ne inducito, nec apud indoctos subtiliora, quàm ut intelligant, aut quæ difficultè inveniant, sententias crebrò ne eloquere, præsertim apud æquales, minimèq; apud eos, qui dignitate tibi antecellunt, nec tempori item, vel auditoribus aliena. Inter epulas festave tempora, tristia ne commemorato, non ditates plagarum, non scelera aut mortem, non immundiciarum spurcicias; quin si de his sermo aliunde inductus erit, tu, si potes industrie commutato. Somnia nisi intimali familiaribus ne referto, eaq; cum, cum illustrem rerum significationem dare videbuntur, cui fidem tamen ne habeto.

2. Non est hominis bene instituti, de rebus suis gestis, de ingenio, virtute, cæterisque ejusmodi laudum nominibus gloriari, quinimò de sua aut suorum nobilitate, divitiis, honoribus, nisi coactus non loquetur. Idem haud se temerè tamen in sermone admodum deprimer.

3. Ubi

3. Ubi risui non est locus, ibi cavillari & joculari velle importunum est. Ne rideas effusè, nec sine idoneâ causâ, tantumvè ideò more tuo ut rideas. Ex alienâ calamitate risum ne captes, etsi Risus per se opportunus esse videatur.

4. Neminem injuriosè appelles, neq; joculari, neq; extra jocum. Neminem verbis perstringas, neminem ludifies, hominem præsertim antecellentem, tametsi ab eo causa aliqua sit.

5. Ne sis morosus, aut difficilis, sed comis & liberalitè officiosus, priorq; aliis salutem dicere occupa. Sermonem accipe, & redde, nec te conde in recessum, cum in vita communi humanè congregari & colloqui oportet.

6. De nullo, de nullius rebus, ullâ ratione detrahe. Etiam cum laudas modum tene.

7. Ne eos convenias, quibus gratulâ intervenias, tibi incertum sit. De rebus, si Authoritate primus non sis, sententiam nisi rogatus ne dicito, præsertim non in tempore, neq; utilitatis spe allucente rogatus, sermonem confer in pauca, maturèq; ad rei caput accede.

8. Si qui nulla de re duo contendunt, neutri nisi quid cogit, accedito. Quod sentis ne pertinacitè defende. In rebus quæ ad sentiendum liberæ sunt, quæ pars sententiarum numero est superior, eam complectere.

9. Alienis culpis censorem te, & reprehensorem

forem ne appones; est enim id Magistrorum, Patrum, aut eorum qui præsunt, proprium munus. Potes tamen alienum ab re animum præ te ferre. Potes etiam interdum prudenti ratione opportuna in rem monita delinquentibus adhibere.

10. Aliorum labes, ac maculas, tametsi natura insint; maximè si in facie insident curiosè ne despicias, neu causas scisciteris, unde extiterint. Quod in aurem amico fidentèr dicturus esses, præsentibus aliis silentio preme.

11. Quæ lingua tibi ignota est, aut non probè percepta, ea ne sermocineris, nisi in re necessaria, ut animi tui sensa intelligentiùs exprimas. Patrio, ac gentili idiomate utere, non inconditè, ut fæx populi, sed ut politiores, atq; ornatiores cives tui, & cultè & elegantèr. Imprimis castè loquere, ac verecundè, turpia verba nec clam alteri in aurem, nec liberiùs quasi per lusum immodestiùs funditans. In sermone de rebus altis & negotiis seriis, fac vilia, & plebeia verba, tibi ne excidant.

12. Ne eloquere, nisi re priùs cum animo tuo cogitata, expensaq; in Quotidiano sermone verborum circuitione ne utere, argutius, dædaleasve locutiones ne quære; volvente aut lapsante linguâ verba ne involue, contrâ, ne loquere tam lentè, & cunctantèr, ut fastidiû crees auditoribus.

13. Dum

13. Dum quis alius loquitur, cave Auditor-
res tuâ causâ ab eo defluant, tu audi facilis &
attentus, non oculos aliò intorquens, non
aliud agens. Si ducum quispiam, & quasi re-
stitans loquitur, tamen ei, velut loquenti
subserviens, verba ne supple, nisi hoc te roget,
aut privatim res agatur, sitq; ipse de intimis
tuis & perfamiliaribus, neq; interpelle autem,
neq; ei responde, quoad loquendi ipse finem
fecerit.

14. Dum colloquio intervenis, ne percontare
ecqua de re sermo inductus sit; habet enim id
specimen Authoritatis. Precare potius urbanè
& comitèr, ut qui cæptus erat, pertendere ne
gravetur, si ideo conticuisse eum senties,
quia tibi defert. Contrà, si quis colloquenti
tibi intervenit, præsertim vir spectatus &
gravis, est è rationibus decori, sermonem ha-
bitum compendium referre, deincepsq; totum
prætexere atq; exequi.

15. Nihil ore, oculis, manibus faciendum
indecorè, quò res quæ dicitur exprimatür.
Nec verò tenenda Brachia sunt, aut in tergum
reducta, aut complicata decussatave. Inest
enim in his corporis gestibus, plus quiddam
authoritatis, sed sustinenda eâ ratione modoq;
ut manus altera alteri adjecta, quorum adversæ
sint, paulo infra pectus, aut ad zonam deductæ.
Inter verba, etiam adverte quàm compositè
corpus moveas: quo in genere nec caput moves,
nec

nec manibus mices, & firmo in vestigio consistere.

16. Inconcinnum est inter loquendum, Pileum ori, aliudve quicquam prætere; Chartam aut quæcunq; alia mansitare, capite micare, cubitos collidere, unum in pedum collocare sese, tibiæ alteram alteri transversam inducere.

17. Eum de quo loqueris, digito nè monstra, ad ejus autem quicum loqueris nec vultum, quem vereri imprimis addecet, nec personam propriùs accede.

18. In multorum congressu, privatim ne uni atq; arcanè colloquitur: verum de re hujusmodi differ eum in tempus alterum, nisi tu forte cæteris præsides.

19. Intempestivè velle adire & colloqui, perinde est atq; agendo nihil agere, aut si quid Agis, eos quos sic velis, sic adeas, molestiâ, & indignatione complere.

20. Hominum cum hominibus comparationes evita, ideoq; si quis rei bene gestæ, aut virtutis prædicatione laudatur, tu coram eo de eadem virtute ne lauda. *Omnis enim comparatio odiosa est.*

21. Novis de rebus dissipatos sermones Rumoresvè narrare aliis facilè in animum inducas, nisi veros esse certa authoritate cognôris, neq; itidem pertinaci audaciâ Rumores tales affirmare aut defendere perseverare.

severare oportet, ubi imbecilli veritatis fundamento rem inniti manifestè apparet, sin verò sensu tuo apprehensus fueris, eò confidentius asserere potueris. Nec cum audita refers, Authorem memores nisi gratum ei id fore jure existimes. Quod secreto audis, tecum habeto atq; alteri ne dixeris.

22. Si quid narrabis, leges, ratione differes longus ne esto, tum maximè, cum aut res ipsa parvi momenti est (hac enim ratione fastidium sapissimè tibi concilies) aut sentis eam Auditoribus tuis minimè gratam esse.

23. Noli esse in alienis rebus curiosus nimis & sollicitus indagator, & ubi qui inter se conferant, arcano colloquantur, eò ne accede.

24. Quod efficere atq; exequi non potes, in id operam tuam ne deseras: quod sponderis verò, id serva atq; persila.

25. Quæ legatio obeunda tibi erit, quæ Relatio, quæ Authoritatis tuæ exercitatio, ea fac tranquillè prudenterq; defungare, sive illa tibi ad Plebeios homines, sive ad illustres sustinenda erit.

26. Interes dum qui tibi præsent cum alio verba faciunt, cave aut fabuleris, aut rideas, aut aurem iis quæ inter eos

eos dicuntur, admoveas.

27. Ne musses, ne gannias, aut dentibus strideas.

28. Quod nescis certò, tanquam certum ne asseveres.

29. Inter majores, maximèq; eos, qui cum imperio tibi præsunt, non interrogatus ne alloquere. Locaturus consurge, ac nudato capite paucis responde; nisi & sedendi & caput obnubendi, potestas facta tibi fuerit.

30. In concertationibus maximè quæ in communi virâ occurrunt, ne sis vincendi adeo cupidus, ut non aliis suas quoq; dicendi partes liberas relinquas. Seu jure autem seu injuriâ contendas, par est acquiescere te Authoritate aut plurium aut contentiosorum, multoq; magis eorum qui vel tibi, vel Disputatione præsident.

31. Lacessitus verbo, vel injuriosè appellatus, neq; respondes, neq; te defendas, magis Rem joco elude, aut tanquam eo te modicè tangat, ità te ostende; esto multi ad jus tuum defendendum te vocent, certus, non omni dicto responso opus est.

32. Non cuivis sermoni pugnaciter resistas, contentiosè ista opponens; *Non sic res habet, ità habet uti sentio dicoq;.* Sed
alieno

alieno iudicio sita, iis potissimum de rebus, quæ sint an non sint, haud magni interest.

33. In communi, etiam tuorum æqualium, congressione; ne latera ut planus, & circulator, sed loquere modicè, & opportunè, quamdiu se aliquid dat quod tum sit ad Rem quâ de agitur, tum certum tibi atq; exploratum. Nam de re quam non teneas sermone inceptare, eoq; incepto excusare caducam rei memoriam, quam te legisse tamen certò scias, frigida & inveniisti exempli excusatio est.

34. Si quid narrare oceperit quispiam, non obtundas narranti, id iam te scire: eiq; rem non apprimè rectissimè narranti, ne abnutes, neu contra nutes, aut contra illudas. Multò minus dici æquum est, non sic res habet, falleris.

35. Vocem ne contende ut Preco, nec tum demitte, ut quoad par est non exaudiaris.

36. Te addecet compositum honestâ gravitate, quid alii dicant animum attendere, subinde ne ista turpiter quærites; *quidnam dicis?* Qui gesta, inquis, res est? fugerint me quæ dixisti nec aliud id Genus ineptius loquentibus obstreperè & moleste inculces.

37. In

37. In deambulatoriis congressionibus, ne temerè ut fræno socium inhibe; tertio quoq; verbo eum demorans. Nec tam vicinum ei te applica, ut cubito pulses; nec plus palmo circiter ab eo te abjunge.

38. Annum in pangendis Proemiis, aut in excusationum ceremoniis ne pone; qualia hæc sunt. Amabò, vir spectatissimè, ignosce si haud satis culte, satis idone rem dictus sum: obsequendi tibi studio plus etiam enitar, quàm efficere possum, &c. Aliq; ejusdem modi odiosi & insipidi præfationum circumductus. Verum quoad rectè fieri & commode potest à re ipsâ ordire, exorsusq; ingenuâ animi Audaciâ & fiducia imperturbato orationis tenore sermonem continere ad extremum. Id quod dum agis, ne longus esto, nec digredere frequentèr, nec unum aliquem loquendi modum crebriò inculca.

39. Qui impeditiore est lingua, is ne ambitiose semper loquatur; sed operam dat, ut quod linguæ deest, silentio & attentione suppleat.

40. De absente nihil mali dixeris, iniquum enim est, alterius dignitati detrahere, aut ejus famam lædere, qui coram non adsit, ut aut diluat objectum crimen; aut subeat censuram admissæ culpæ.

41. Inconcinnum valdè, si non prorsus
 ridiculum de iis rebus disserere, quæ longè
 superant Auditorum captum, quamvis enim
 ex illorum ignorantia tui admirationem
 procuraveris, veruntamen prudentium derisui
 te expones. Cùm apud imperitos, sermo
 tuus vacuus evanescit in Auras; audito-
 ribus assensum nullum præbentibus à te
 distis.

D CAPUT

CAPUT VII.

Decorum in Mensâ.

1. **M**ensæ accumbens, corpus ne scalpas : pari cura à sputando , tussiendo , emungendo Nasum, tibi, quoad potes, tempera : si qua te horum necessitas urgebit, apte & decore ei servias, tum quam minimo strepitu, tum vultu nonnihil subducto, atq; averso.
2. Ne ut Lurco, aut Helluo, sic edas.
3. Panem partiri , non manu sed cultro, nisi permodicus , recensq; sit, quem manu partiri convivæ omnes aut pleriq; decorum deputant.
4. Non te immittas in Mensam ad cubitos usq; neq; quâ in sede resides, ei aut humeris, aut brachiis ineptè incumbas.
5. Fartim nè edas , expletis ambabus Malis.
6. Panem vino ne insucces, nisi aut summâ domi authoritate sis, aut valetudo tua rem excuset.
7. Neutiquam offendes aut Dapes , aut vinum egregie Palato tuo arrisisse. Sed si domûs

domûs ac Mensæ moderator, de aliquid te
poscit, responde modeste, & prudenter.
Cave etiam ne ut gulosi solent cibos eleves,
nec alios, pluresve in Mensam inferri cu-
res.

8. Salem è salino carpturus, culter nè
unctus sit vide; Cultrum autem aut fuscinu-
lam cum detergere opus erit, aut panis fru-
stulo, ut alicubi usus est, aut ut alibi Mantili
apte id fiet, non ad totum panem pingui
affrictâ.

9. Si quem convivio excipis, ei te decet
cibos honoris causâ dispartiri ac porrigere,
etiam illum liberalitèr iis impartiendo qui
coram eo sint. Sin te alius convivio exci-
pit, præstat expectare te dum Epuli domi-
nus, aut ejus nomine alius quispiam cibis te
participet, quam tu tibi manu eas præsumas,
nisi aut familiares inter candidè amicos
epulatio sit, aut qui Epulum dat, ultro à
convivis sibi id gratiæ apponi petat, omnes
ut libere, non expectatâ alienâ manu de
mensa sumant, uti domi, suo arbitratu.
Est & prudenter ac modeste officiosi, domi
alienæ, ubi authoritate non valeas, Chiro-
nomi munus haud usurpare: quod non u-
surpes audacter, sed facites cum laude, ubi
ubi in frequenti convivis mensa oculum ma-
nusve domini omnibus prospicere non po-
test,

test, ideoq; partem curæ suæ, tacite aut disertè, longo in convivii ordine illo libens volensq; aliis transcribit.

10. Cibos ne perfla, sed si calidiores erunt, expecta dum defrigescant. Jusculum quidem temperari potest modeste, sensim cochleari illud commovendo, at de scutula sorbere illud ad mensam, vel combibere, non cochleari sibi in os indere, indecens est.

11. Cibos ad mensam ne olfacito; & si quos forte olfeceris, de hinc convivis ceteris ne apponito.

12. Panem unctis digitis, adipato contactu, ne perunge, eum secturus ante tibi manus deterge, si unctæ erant. Proinde cave ne manum conspurces, digitos perungas; & ubi cochlearis ac fuscinolæ copia est, illis, ut decet, atq; ut bene educatorum mos est, utere.

13. Si Panem, carnesve in Embamma intingis, quod præmorderis ne iterum intinge, moderatum frustum sit, quod in singulos intinctus condimento imbuis, quod una buccæa confici totum queat.

14. Non sunt dejicienda sub mensam, non jactanda in Terram ossa, putamina, vinum, alia generis ejusdem: Excipiuntur quæ mansu dura, ac Nauseosa despuere necessitas

necessitas cogit, neq; hæc talia tamen sine aliquo decoro ore ejectiontur. Ea; excipiant digito duo, manusve sinistra compressa belle ad excipiendum, simul occludendumq;. Quod si res liquida ac fluens erit tam despuenda in terram liberiùs, sed quod ante est annotatum; vultu, si integrum erit, subducto, interim, atq; averso in Latus.

15. Est & decori munditiis alienum, prurorum, cerasorum ossa dura, talemve reliquam aliunde materiam in patellum inspuere. Sinistrâ, quod proximè dictum est, ori admotâ, decenter primùm excipiantur, tum super quadra seorsum deponantur.

16. Ne Rusticè cum cultro in manu, simul eâdem cibum tibi in osingere.

17. Quæ aliis apposita sunt fercula, ea, circum oculis ne perlustra. Dum bibis, dum vesceris, oculos ne sustolle.

18. Panem multum sectione unâ ne conscinde, nec confeca in frustra quadrasve grandes, sed in exiguas, vel mediocres. Eundem æquabiliter subseca, ob eamq; rem neq; ut follis in eo lacunis, excava, neq; ut exenterans, solam micam exime. aut solam crustam defringe, sed ambas unâ fucalde. Neq; panis Buccæas appposito orbe, aut patellâ concide.

19. Si, quòd dentibus es imbecillis, panis crustam mandere non potes, vel si ambusta illa aut prædura fit, consultius videtur crusta singula prout ea consecas, quam totum solidè panem crusta desecta, distringere.

20. Insulsa res est, in offam, in pulpamenta, quasi arcuato in ea torpore, inclinatum propendere, sat est conquinescere, atq; incumbere nonnihil, dum jure aut aceto insuccata buccæ è mensa in os mittitur. Ne liquente succo vestium sinus conspurcetur, Hæc re provisâ, caput illicò surrigendum est.

21. Sunt & temporum intervallis amovendi à cibis & patinis oculi: non tamen idcirco aut circumferendi vagè, aut inconvivas, in Mensæ ministros, in aliena fercula defigendi.

22. Fædum apprimè est, mappas dapuli unguine inquinare, horridius etiam madentem sudore vultum, nasi proluviem, orbes, patinas mantelio detergere.

23. Quod delibaris, idem è manu, seu vinum seu quid aliud alteri ne porrige.

24. Manus Dapum succo & liquamine perfusas panem ne affrices, toti præsertim & mole aliquâ solide integro: quod si lautius perunctæ erunt, possis (ut quidem videtur) primum

primum ad panis tuncundam, quam mox ori ingesturus sis, eas defricare tum mantili permundare, quod iis jam deterfis, minus foedetur.

25. Cùm vesceris, cùm bibis, dentibus ne concrepa sorbendo inurbanè, antequam poculum labris admoveas, pramande cibum, ac nisi prius mantili aut linteolo absterfa nè bibe, præsertim si quis suum poculum tibi porrigit, aut ibi de communi bibitur poculo. Inter bibendum intortis oculis alios intueri illiberale est, quemadmodum & Ciconiarum Exemplo cervicem in tergum reflectere, nequid hæreat in imo cyatho parum est liberale. Ne mande stridulè aut alio quovis modo convivis ingrato.

26. Ossa sueta avido, sonoro præsertim ne suge, ne exsucca, nec carpe utraq; manu, sed solâ unâ, ac venustè: ne Canum more arrode, sed manu unâ præhensis ac fere digitis duobus, carnes cultello exime, medullam ne ad panem, ad lanceas incussis iis ossibus excute, sed ea placidè cultro, si potes emedulla. Omnino probè moratus non placet ossa manibus tractari, ac multò minus in os immitti.

27. Duriora quæ sunt, ut ossa carniū, fructuumve, cultro ne frange, ne disseca, nec

dentibus, aliâve ope comminue, sed intacta relinque.

28. Communi è ferculo, quod socio obversum ac sub manum est, id ne usurpa, sed sume quod tibi adjacet, nec quàm alii lulentius. Ac si fructus erunt, si res confimiles, eas ad delectum curiosâ ne attracta. Ac quibus commune tecum ferculum est, ii quid sumant ne attende.

29. Buccella Buccellæ succedat, in stomachum jam trajectæ. Tales Buccellæ sunt, quæ malas immodicè non inflent, manu unâ cibum ori admove, atq; ut mos est finistrâ.

30. Scyphum, Pateramve, ne sic vino corona ut in Mensam exuberet.

31. Dum in ore adhuc Buccella est ne bibe. Potum autem ne posce, ne loquere, ne vinum tibi infunde, ne bibe interea dum bibit qui tibi proximus assidet, aut qui mensâ summus omnium est.

32. Dum bibis, aliò ne circumspice.

33. Ne perlente bibito, ne præfestinè, ne ut vinum commanducans, nec frequentius. Nam hæc talia sunt Ebriosorum. Sub potum atq; à potu labia tibi absterge, ut neq; à potu neq; unquam alius, quasi anima oppressa, densum & cum strepitu expira, est enim res factu quam indecora.

34. Dentes

34. Dentes ne Mappa aut mantili, ne digito, cultro, furcilla, ne quod putidissimum est unguibus perpurga, sed Dentiscalpio. At mensâ in ipsâ dentes tibi scalpere, si alii id non faciunt, aut si Eleganter instituti in more non habent, haud quaquam convenit.

35. Vino os ne collue, quod mox propalam despuendo ejectives, verum mensâ solutus, manus cum cæteris lavare unâ assuesce. Certum palàm os colluere, elegantiz alienum videtur. Quare & cum ad Mensam polybro subjecto aqua manibus datur, solas lavare manus addecet.

36. Non est præstabile admodum, atq; hodie obsoletum videtur, mensæ socios, crebrò præsertim atq; importunè invitare, ut appositis Epulis sese exhilarent. Nescio quo pacto enim Epulandi libertas, dum fieri iis videtur, magis tollitur. Minus te condecet quoties bibas aliis propinare, quod si te alii poculis invitant, potes modeste rem depræcari, gratiam habendo teq; victum atq; imparem confitendo, aut verò referendæ gratiæ, vinum libare tantum, præcipue ubi præbendi gratosus mos est, & nisi gratia redhibetur offensio nascitur.

37. Simul ac alii edendi finem fecerint, fac & tu tibi modum, neq; tum verò laxis brachiis mensæ

mensæ incumbere, sed solis manibus extremum contingito.

38. Est dignioris in Mensa, atq; in summo accumbentis, mantile primò explicare, primò in Mensam manum parrigere; cæterorum expectare quietè dum inceptet, nec manum antè quoquam admove.

39. Vicissim est ei jus, qui præsidet, tempestivè incipere, providere attente omnibus convivas sermonibus mulcere, mensam claudere, sed tam intra modum, ut lentissimo cuiq; suum sit vescendi accommodum tempus. Teneat se interim, si opus est, escis, levitè degustandis, aut ubi colloquendi est usus, conferendis amœnis sermonibus, usq; dum omnibus sit exempta fames, atq; edendi cupid.

40. Quidquid Epulis intervenerit, nihil irascere, ira incitatus, tamen eam comprime ut ne se efferat, nominatim si extranei tecum accumbunt. *Perculum in convivio primum sit vultus hilaris.*

41. Ne accumbas in loco principe, sed si iste decet, aut qui domûs princeps est, ita omnino vult, ne tantopere obnitere, toti ut cætui molestus sis.

32. Inter mensam, si lectio, si sermocinatio erit, fac attentus sis, ac si tibi loquendum fuerit, vide ore vacuo ut id facias.

43. Quum

43. Quum de Deo ejusve attributis mentionem feceris, Reverentiam tanti Numinis sermo præ se ferat; Jocari enim, aut in Rebus divinis Ludionem agere detestanda est impietas, Divinam Justiciam ad vindictam impellens; quæq; apud omnes fidem tuam reddet suspectam.

44. Discenda est à primis statim annis secandi ratio, non superstitiosa, quod quidam faciunt, sed civilis ac commoda; aliter enim armus, aliter coxa: aliter cervix, aliter cratis; aliter capus, aliter Phasianus: aliter perdix, aliter anas, &c. ut si forsitan aliquandò secandi fors alicui devenerit, aut à mensæ Præsides hæc Provincia demandabitur, oportet eum hæc arte esse satis instructum ac peritum uti dextrè ac decorè officio fungatur suo; ne minus Artificii hujus callens, inconcinnè ac Canum planè ritu cibum dilaniat, quò minus commodè convivis dispartiri possit.

45. In Rerum cognitione acquirendâ, sive in contemplatione rerum naturalium, sive in morum institutis, nullum omnino negligatur præceptum. Quæ enim primo intuitu minus utilia videantur, ea secundæ forsan cogitationes observatione dignissima judicabunt.

46. Cum scientia rerum perficit Intellectum, prudentia adhibeatur, quæ cognita
in

in operationem ducat, nuda enim boni contemplatio non magis sufficit, ut exinde viri boni cohonestaris titulo, quàm corpus absente animâ te hominem denominare valebit; curandum itaq; mentem cognitione ornare, quæ dirigat; sed (modò felicitatis culmen ascendere cupis) summoperè nitendum est, ut cognita transferuntur in usum.

47. Istorum præceptorum sterili cognitione ne acquiescas, sed cùm mente ea inculpseris, ut conversatione tuâ eniteant, summo conamine enitendum. *In actione enim, non in contemplatione consistit Virtus.*

FINIS.

HUjus Libelli quinta Editio An-
glicana emittitur per *Guilielmum*
Lee Bibliopolam (cui titulus est *Youths*
Behaviour) apud quem prostat venalis
ad Insigne Capitis Turcici in vico
vulgò vocato *Fleetstreet*.



Septemb. 18. 1651.

Imprimatur

John Downname.



447526

527